

Primeiras influencias do referéndum catalán no separatismo americano

Descrición

O movemento independentista catalán está a ter influencia sobre movementos semellantes en América. Dende Quebec ata a Illa de Pascua. Non obstante, aínda queda por ver se a crise catalá realmente potenciará os movementos separatistas do outro lado do Atlántico.

O movemento independentista catalán está a ter influencia sobre movementos semellantes en América. Dende Quebec ata a Illa de Pascua. Non obstante, aínda queda por ver se a crise catalá realmente potenciará os movementos separatistas do outro lado do Atlántico.

As ideas do separatismo dentro dos países americanos son practicamente tan antigas como o auxe destas nacións. Panamá, por exemplo, naceu como país cando se separou de Colombia en 1903, por un movemento nacional de independencia que recibiu a atención dos Estados Unidos, interesado na construción do canal que atravesaba o istmo.

Nos Estados Unidos, os movementos que buscan a independencia de California e Texas tamén acolleron con bos ollos a nova procedente de Cataluña, aínda que os seus propios proxectos teñen oportunidades limitadísimas de triunfo.

En Québec houbo dous referendos de independencia en 1980 e 1995 nos que o separatismo foi derrotado (por estreita marxe a segunda vez). Con todo, en 2006 o parlamento canadense recoñeceu a Quebec como unha nación dentro do país, mentres que os separatistas da provincia mantiveron a idea de pular por un terceiro referendo. E agora que Cataluña celebrou o seu propio referendo sobre a independencia o 1 de outubro, declarado ilegal pola xustiza española e cun 90% dos votos a favor do "si", algúns quebequeses mostran seu entusiasmo.

As repercusións de Cataluña ata chegaron á Illa de Pascua onde os membros do grupo étnico rapanui manteñen diferenzas históricas co goberno de Chile en reivindicación de maior autonomía.

Non obstante, tras os acontecementos en Cataluña -e quizais debido á crise que xeraron- os movementos separatistas das Américas parecen non sumar moito apoio masivo nestes días.

De feito, a consulta separatista no sur de Brasil recibiu preto de 350.000 votos para o "si" segundo os organizadores, ata menos dos case 600.000 que cobrou outro igual o ano anterior e por baixo do 2% do total dos votantes rexistrados na rexión. Isto a pesares da peor crise económica do Brasil nas últimas décadas e do maior escándalo de corrupción política.

En países como Brasil, Arxentina ou México é difícil unha posibilidade de separatismo, pola fragilidade dos movementos locais e porque son países con réximes federalistas que deron autonomía e poderes aos gobernos rexionais. Pola contra, hai riscos de que isto poida converterse nunha crise nun país como Bolivia, que na última década tivo tensións moi graves neste eido.

Iso si, todo podería cambiar se a República de Cataluña fora recoñecida a nivel internacional.

APARTADOSTEMATICOXEOGRAFICOS

América Latina

ETIQUETAS

américa separatismo

IDIOMA

Galego

INVESTIGACION

Paradiplomacia

Fecha de creación

octubre 24, 2017

Campos meta

Autoria : 4091

Datapublicacion : 2017-10-24 00:00:00